

肺大腸部

咳嗽 乾咳嗽 咳嗽喉中作聲


暴嗽 久嗽

妊娠嗽

八乘共二

醫學綱目

二千六





醫學綱目卷之二十六

咳嗽

乾咳嗽

咳喉中作聲

暴嗽

久嗽

孕嗽

大法

潔咳無痰而有聲肺氣傷而不清也嗽無聲而有痰脾濕動而為痰也若咳嗽有痰而有聲者因傷肺氣動於脾濕故咳而兼嗽也脾濕者秋傷於濕積於脾也故內經曰秋傷於濕冬必咳嗽太抵素秋之氣宜清而肅若反動之則氣必上衝而為咳嗽甚則動脾濕而為痰也是知脾無雷濕雖傷肺氣亦不為痰若有痰而寒少熱多故咳嗽嗽非專主乎肺病以肺主皮毛而司於外故風寒先能傷之也內經曰五臟六腑皆能使人咳非獨肺也各以其時主之而受病焉非其時傳而與之也所病不等寒燥濕風火皆能令人咳惟濕病痰飲入胃胃之而不行上入於肺則為



咳分時

嗽假令濕在心經謂之熱痰濕在肝經謂之風痰濕在肺經謂之氣痰濕在腎經謂之寒痰所治不同各宜隨症而治之若咳而無痰者以辛甘溫其肺故咳嗽者治痰為先治痰者下氣為上是以半夏南星勝其痰而咳嗽自安枳殼陳皮利其氣而痰自下痰而能食者太承氣湯微利之痰而不能食者厚朴湯治之夏月嗽而發熱者謂之熱嗽小柴胡四兩八石膏一兩知母五錢用之冬時嗽而發寒者謂之寒嗽小青龍湯加杏仁用之然此為大例更宜隨症隨時加減量其虛實此治法之大體也

夏是火炎上最重

用藥先後

吐痰多痰

表裏

秋是濕熱傷肺

冬是風寒外束

治嗽藥大槩多用生姜以其辛散也 咳逆非蛤粉青黛瓜萎貝母不除 大槩有痰者加痰藥 用藥發散之後必以半夏逐其痰度不再來 治嗽痰多用粟殼不必疑但要先去病根此乃收後藥也

仲咳而脈浮者厚朴麻黃湯主之

| | | | |
|-----------------------|----------------------|------------------------|----------------------|
| 厚朴 <small>五兩</small> | 麻黃 <small>四兩</small> | 石膏 <small>如鷄子大</small> | 杏仁 <small>半升</small> |
| 半夏 <small>半升</small> | 乾姜 <small>二兩</small> | 細辛 <small>二兩</small> | 小麥 <small>一升</small> |
| 五味子 <small>半升</small> | | | |

右以水一斗二升先煮小麥熟去渣納諸藥煮取三升溫服一升日三服

脉沉者澤漆湯主之

半夏升

茶參五錢一作茶花

澤漆三斤以東流水五升半煮取一斗五升

生姜

白前各五

甘草

黃芩

人參

桂枝各三

右咬咀內澤漆汁中煮取五升溫服五合至夜盡

丹感胃風寒咳嗽者行痰開腠理二陳湯加麻黃杏仁桔

梗

局二拗湯治咳嗽感胃風寒鼻塞聲重

甘草不去

麻黃不去

杏仁不去皮尖

右咬咀每服五錢水一盞半姜五片煎服

丹巡檢舍人夜嗽多脉大而浮三拗湯加知母黃芩生薑

煎一男子五十餘歲患咳嗽惡風寒口燥乾心微痛而

手脉浮緊曾脇痞滿而數左手大於右手大槩表盛裏虛

問其人平日好嗜酒肉素有食積後因汗房勞又往來涉寒水且冒微雨又忍飢歸後繼以飽食酒肉而病先用參每貼四錢麻黃根節一錢半與二三服咳嗽止惡風寒除後改用厚朴枳實陳皮青皮瓜蒌仁半夏為丸與二十餘貼用人參湯送下痞滿亦散而愈

麻黃錢一

蒼木錢二

瓜蒌

陳皮

半夏各三

枳殼各三

黃芩錢一

桔梗錢一

木通錢一

甘草些

右分二貼加姜三片煎服

一婦人患嗽頭痛身膈痛

陳皮錢二

人參

川芎

麻黃

枳殼各一

分二貼水煎服

婦人患身疼嗽而食少

白朮

黃芩

芍藥各三錢

川芎二錢

木通

熟蘇各一錢半

甘草五分

右四貼熱服

脾肺

燥脾濕方

夫咳之為病有三咳即出痰者脾勝濕而痰滑也有連欬十數不能出痰者肺燥勝痰濕也滑者宜南星半夏皂角灰之屬燥其脾若利氣之劑所當忌也澁者宜枳殼紫蘇杏仁之屬利其肺若燥肺之劑所當忌也治風痰嗽其脉弦面青四肢滿悶便溺閉澁必多燥怒宜以冰煮金花丸主之

南星

半夏各一兩

天麻五錢

雄黃一錢

白麩三兩

寒水石煨一兩

右為末水丸如桐子大每服五十七丸至百丸煎藥水

沸下藥煮令淨為度淡漿水浸之以姜湯下

羅化痰玉壺丸治風痰吐逆頭痛目眩嗽嘔吐

天南星

半夏生各一兩

天麻半兩

白麩三兩

右為細末滴水為丸如桐子大每服三十丸水煮令藥浮漉出放溫姜湯下

天麻丸治風痰

天麻

半夏

天南星各一兩 雄黃鈔

白麩三兩

右以水丸每服五七十丸至百丸先煎水沸下丸煮十餘沸後用姜湯下食前

小黃丸治熱痰咳嗽脉洪面赤煩燥心痛唇口乾燥多喜笑

天南星洗

半夏各一兩

黃芩半兩

右為細末姜汁浸蒸餅為丸如桐子大每服五十九至七十九

白朮丸治濕痰咳嗽脉緩面赤肢體沉重嗜臥不收腹脹而食不消

天南星 半夏各一 白朮半一兩

右為細末湯浸蒸餅為丸如桐子大每服五七十九丸姜湯下食後局方防已丸亦可用

玉粉丸治氣痰咳嗽脉急面白氣上喘促浙酒寒熱悲愁不樂

天南星 半夏各一 陳皮去白

右為細末湯浸蒸餅為丸如桐子大每服五七十九丸參生薑湯下食後服

姜桂丸治寒痰咳嗽脉沉面色黧黑小便急痛足寒而逆

心多恐怖

天南星 半夏各一 官桂去剝

右為細末蒸餅為丸如桐子大每服五七十九丸生薑湯下食後

治嗽加減法 如心下痞悶加枳實五錢 如身熱甚加

黃連五錢 如體重加茯苓白朮各一兩 如氣逆上者

加苦葶藶五錢 如氣促者加人參桔梗各五錢 如氣

浮腫者加郁李仁杏仁各五錢 如大便秘者加木黃五

錢

羅太白丹治三焦氣滯破除餘痰止咳開胃

半夏洗 天南星炮 寒水石炮 白礬枯

白附子炮 乾姜炮各

右為細末麩糊丸如桐子大每服三十九丸溫生薑湯下

食後

世法製半夏用木半夏不拘多少湯洗七次去臍焙乾再洗七通用米泔浸一日夜取出控乾每半夏一兩用白礬一兩半研溫水化浸止留水兩指許頻攪冬月宜煖處頓放浸五日夜取出焙乾用鉛白霜一錢溫水化又浸二日夜通七日盡取出再用漿水於慢火內煮勿令滾候漿水極熟取出焙乾每服一二粒食後細嚼生薑湯下

右丸方治濕痰滑而易出潔古所謂南星半夏勝其痰而咳嗽自安者是也

羅人參欵花散治肺胃虛寒久嗽不已咽膈滿悶咳嗽痰涎嘔逆惡心腹脇脹滿腰背倦痛或虛勞冷嗽及遠年近日一切嗽病諸藥不效並皆治之

欵冬花

人參

五味子

紫苑

利肺氣方

桑白皮兩

杏仁錢八

木香

檳榔

紫蘇葉

半夏湯泡各五錢

右為細末煉蜜為丸如鷄頭仁大每服一丸食後細嚼淡姜湯送下

紫蘇半夏湯治喘嗽痰涎寒熱往來

紫蘇

半夏

紫苑茸

陳皮

五味子錢各五

桑白皮一兩

杏仁去皮尖一兩

右為籠末每服三錢生薑三片水煎日三服

恒紫蘇飲子治脾肺虛實寒涎痰咳嗽

紫蘇葉

桑白皮

青皮

五味子

麻黃

杏仁

陳皮

人參

半夏

甘草炙各五錢

右咬咀每服五錢水二盞姜三片煎至七分溫服

本治肺感風寒作嗽紫蘇散

紫蘇 桑白皮 五味子 杏仁
麻黃 甘草 青皮各等分

右為細末每服二錢水一盞煎七分溫服

治嗽杏參飲

杏仁 欵冬花 前胡 半夏制
五味子 麻黃 柴胡 桑白皮
人參 桔梗各等分

右為細末每服三錢水一盞半生薑五片同煎七分通服

右利肺氣藥紫蘇麻黃表多者宜之

效而脾
胃滯
者加大
黃

利脇丸主胃中不利痰涎咳嗽喘促利脾胃壅滯調秘泄藏推陳致新化食治利膈氣之妙品也

木香 檳榔 藿香各一錢 甘草多五錢
人參 當歸 厚朴各三錢 大黃炒酒
枳實各一錢

右為細末水丸桐子大每服三五十九

有婦人患肺熱久嗽身如炙肌瘦將成肺勞以枇杷葉木通欵花紫苑杏仁桑白皮各等分大黃減半各如常製治訖同為末蜜丸如櫻桃大食後夜臥各含化下丸未終一劑而愈

右利肺氣藥加大黃脾胃壅滯者宜之

潤燥之
劑

杏仁煎治哮喘寒熱喜少噴多面色不潤食少脉強緊半月取出洗淨焙乾研令極細每服一匙大用薄荷一葉白蜜少許水一盞煎食後服甚不過兩劑永瘥

用童便浸杏仁七日漉出洗淨研成泥別入瓷瓶中換小便煎成膏熱水下三錢瘥

圖用童便一升浸杏仁三升春夏七日秋冬二七日并皮尖研細濾取汁煮令魚目沸候軟如麪糊即成用柳篋攪勿令着底即以簾布攤乾為丸每服三五丸茶酒任下

肺鬱痰嗽睡不安者 貝母 杏仁

右為細末砂糖入姜汁蒸餅丸含化

右童便浸杏仁利肺氣潤劑也津液枯少者宜之

潤下丸治氣實有痰又治積氣并木腸經氣滯痰嗽

陳皮去白 甘草 食鹽各五錢

右以水拌令溼水乾焙燥為末蒸餅為桐子大或為末

白湯點服立效

有久患氣嗽將期或教以橘皮生姜焙乾神麪等分末

為丸如桐子大食後夜以米飲服三五十九丸兼舊患膀胱氣緣服此皆愈

玉粉丸治氣痰脉澁方見前

桔梗湯除痰下氣胃腸脹滿痰逆惡心飲食不進

陳皮去白 半夏制 桔梗炒 枳實去穢

右末每服二錢水一盞生姜五片同煎七分去渣服

右用陳皮枳實氣克形實者宜之寒者加姜桂些少後

二方有星半痰澁甚者忌服夫形肥或有汗或脉緩體重嗜臥之人咳者脾濕勝也形瘦或夏月無汗或脉澁

之人咳者肺燥勝也濕者宜白米蒼米茯苓之屬燥之是也燥者宜杏仁瓜蒌之屬潤之是也

白木湯治咳嗽體重嗜臥脈緩前濕條白木丸亦治此病

形肥脈緩痰滑

氣克形實感澁者宜利氣

首宜
濕

白朮

茯苓

半夏各等分

右為麤末作五分或半兩甚者加水二盞姜七片煎至一半取清水調神麴末二錢服之病甚者玉壺丸大妙永除根

白朮散治夏暑木熱或醉飲冷酒痰濕不止膈不利

白朮

茯苓

黃芩

半夏各等分

右為麤末每服五錢水二盞姜三片同煎去渣調陳皮神麴末各一錢食後服

保酒性木熱不宜太飲蓋酒味熱而引飲冷與熱凝於胃中不散而成濕故痰作矣甚者吐之後與五苓甘露勝濕去痰之劑

右三方白朮燥濕半星勝痰形肥痰滑者宜之

防風丸治痰嗽胃中氣不清利者枳實丸亦治此症

形肥痰
澁者宜

防風

枳殼炒各半兩

白朮兩

右為末煨飯丸每服六七十丸姜湯下

丹仁十二孺人虛而有濕痰膈上有熱

白朮

滑石各一兩

陳皮

木通五錢

黃芩三錢

甘草各二錢

分六貼水煎服

七九孺嗽有痰

蒼朮兩

半夏一錢

陳皮半錢

甘草各二錢

茯苓五分

桔梗二分

姜三片煎服

治濕痰

蒼朮三錢

白朮六錢

香附一錢

芍藥酒二錢

右蒸餅丸

治肥人濕痰

苦參

半夏各一錢半

白朮二錢

陳皮一錢

右作一服姜三片竹瀝與水共一盞煎食遠吞三補丸

十五丸

羅阜角化痰丸治癆風心脾壅滯痰涎盛多喉中不利涕唾稠粘咽塞吐逆不思飲食或時昏瞶

枳殼炒三兩

天南星炮

白附子炮

半夏湯洗七次

白礬枯

人參去芦

赤茯苓去皮各一兩

阜角木白皮二兩

右為細末生薑汁麩糊為丸如桐子大每服三十九丸溫水下食後

丹白龍丸治酒積有痰

半夏

滑石

茯苓

白礬枯各等分

右為末神麩糊為丸

右七方白米蒼朮白附子半夏煉濕枳殼陳皮利氣形肥痰澁者宜之

寒熱痰

宋徽宗如苦痰面浮如盤李醫用蚌粉新瓦上炒令通紅放地上出火毒每半兩加青黛少許同淡礬水滴入麻油數點調服而愈

寒痰

本草治喘嗽汗多者忌用

草烏錢五

麻黃錢一

右為末每服三大錢蘿蔔一箇同煮令熟只喫蘿蔔妙

千杏仁煎潤肺丸已上二方見燥咳條

形瘦脉澁無汗者宜潤肺

丹潤肺散

貝母兩

瓜蒌仁兩

青黛錢五

右為末姜蜜調成膏噲

抑痰丸

瓜蒌仁兩

半夏錢二

貝母錢三

右為末炊餅丸如麻子大

咳逆上氣痰飲心痛

海蛤燒為粉研極細過數日火毒散用之

瓜蒌仁帶穰同研

右為丸如麻子大白湯下

楊文治痰嗽利胸膈方瓜蒌肥大者割開去子洗淨槌破刮皮細切焙乾半夏四十九箇湯洗十遍槌破焙乾為末用洗瓜蒌實熱水并穰同熬成膏為丸如桐子大生薑湯下二十九

飽食傷脾嗽

干温脾湯治食飽即咳

甘草兩 大棗二十枚

右二味咬咀水五升煮水貳升温分三服若咽中痛而聲鳴者加乾姜一兩

吃醋搶喉嗽

聖耳膽丸治吃醋搶喉因成咳嗽不止諸藥無效用甘草二兩去赤皮作一寸段中半劈開用猪膽汁五枚浸三日取出火上炙乾為細末煉蜜丸每服四十九丸茶清吞下服神效曾有久患此諸藥不效用此方一服愈

飲酒傷肺嗽

丹飲酒傷肺痰嗽以竹瀝煎入菲汁就吞瓜蒌仁杏仁黃連丸

治酒嗽 青黛 瓜蒌仁

食積嗽

用蜜姜丸含化散肺毒也 食停積嗽非青黛瓜蒌實不除有食積人面青白黃色不常面上如蟹爪路一黃一白者是也

清金丸治食積嗽方見虛瓜蒌丸治食痰雍滯喘咳

瓜蒌實 半夏 山查 神麴各等

為末瓜蒌穰水為丸竹瀝姜湯送下

又方治食積痰嗽

杏仁 蘿蔔子各二 為末粥丸服 食積痰作嗽發熱者

肺痿

肺痿專在養肺養氣養血清金
半夏 南星 瓜蒌實 蘿蔔子佐為
青黛 石碱使為 隨症加減丸服之

仲生薑甘草湯治肺痿咳吐涎沫不止咽燥而渴

生薑兩 人參兩 甘草兩 大棗枚十五

右四味以水七升煮取三升分溫三服

炙甘草湯治肺痿涎唾多心中溫溫液液者用甘草一味以水二升煮半升分三溫服

桂枝去芍藥加皂莢湯治肺痿吐涎沫

桂枝 生薑兩三 甘草兩 大棗枚

皂莢十枚去皮 枚炙焦

右五味以水七升微微火煮取三升分三溫服

肺痿吐涎沫而不咳者其人不可不渴必遺尿小便數所以然

者以上虛不能制下故也此為肺中冷必眩多涎吐甘草乾姜湯以溫之若服湯口渴者屬消渴

甘草兩四 乾姜兩二

右咳咀以水三升煮取一升五合去渣分溫再服

右治肺痿症或咳沫或咳血今編咳深者入此門咳血者入咳吐血門

診

熱在上焦者因咳為肺痿肺痿之病從何得之師曰或從汗出或從嘔吐或從消渴小便利數或從便難又被快藥下利重亡津液故得之

脈咳而口中自有津液舌上胎滑此為浮寒非肺痿也

肺脹

咳而上氣煩燥者為肺脹仲景云咳而上氣此為肺脹脈浮大者越婢加半夏湯主之又云肺脹咳而上氣煩躁而喘脈浮者心下有水小青龍湯加石膏主之二方並見喘門

丹肺脹而咳者用訶子青黛杏仁 訶子能治肺氣因火傷極遂成鬱遏脹滿不得眠一邊取其味酸苦有收斂除火之功佐以海石香附瓜蒌仁青黛半夏麴姜蜜調噙之香附用童便浸三日 脉鬱痰嗽睡不安宜清化丸貝母杏仁為末沙糖入姜汁蒸餅為丸噙化清化丸方 肺脹而嗽或左或右不得眠此痰夾瘀血礙氣而病宜養血以流動乎氣降火疎肝以清痰四物湯加桃仁訶子青皮竹瀝之類如血礙氣作嗽者桃仁太黃姜汁丸服

針灸 一法灸但可一邊眠者可左側者灸右足三陰交可右側者灸左足三陰交立安

經治氣嗽嗽久者亦主之生訶子一枚含之嚙津瘥瘥後不知食味煎檳榔湯服之便有味

肺咳酸補辛瀉

丹定喘切方

訶子

百藥箭

荆芥各等分

為末姜蜜丸含化

治嗽切方

五味子半錢

甘草半錢

五倍子錢一

風化硝

為末蜜丸乾含化

世治痰嗽并喘白礬飛五倍子等分為末每二錢豬肝蘸藥臨臥服

本化痰涎方

明礬二兩

白殭蚕半兩炒去絲

右為細末生研薄荷令爛和丸如棗葶大每服二十九薄荷湯下日二服

治遠年近日喘嗽用鼻角不蛀者二大莖剉去黑皮切開去子每子倉內入巴菝肉一粒合就麻皮縛定用生薑自然汁和蜜塗令周匝慢火炙之又塗又炙以焦黃為度劈開去巴菝以好明礬一兩枯過草麻七箇姜汁和蜜塗炙前三味為末却以杏仁二兩去皮大研成膏與前藥和勻

每服一錢用柿餅炙過候冷蘸藥細嚼臨臥服忌魚鮮鮓
鰲油麩酒米醋煎燻熱毒等物

然右訶子五味五倍白礬例丹溪云黃昏嗽者火浮於肺
酸味飲而降之是也

肺欲收
急食酸
以收之

羅九仙散治一切咳嗽

桑白皮

桔梗

阿膠

五味子

款冬花

貝母

烏梅

款冬花

貝母

右為細末每服三錢白湯點服嗽住止後服

款花清肺散治咳嗽喘促胸膈不利不得安臥

人參

甘草

白礬

烏梅

款冬花

甜葶藶

貝母

右為細末每服二錢溫米飲湯調服食後忌油膩物多

言語損

人參清肺湯治男子婦人肺胃虛寒咳嗽氣急胸膈咽塞
腹脇脹滿迫塞短氣喜欲飲冷咽嗑隱痛及癆肺痿勞嗽
一服臙鼻乾嘔煩熱聲啞不出肌肉消瘦倦怠減食

地骨皮

人參

甘草

阿膠

杏仁

桑白皮

知母

粟殼

右吹咀每服三錢水一盞半入烏梅一箇同煎至一盞

一查溫服食後臨臥

人參款花散治咳嗽久不愈者

人參

款冬花

知母

貝母

半夏

粟殼

右為簾末每服五錢烏梅同煎臨臥服

安肺散治痰嗽不問新舊

麻黃二兩 甘草二兩 御米殼四兩 去赤

右為末每三錢水一盞入烏梅一箇煎七分去渣溫服

人參理肺散治喘嗽不止

麻黃二兩 當歸二兩 水香一兩 御米殼三兩

右咬咀每服四錢水煎

大參二兩 杏仁二兩 炒

右咬咀每服四錢水煎

世治嗽貝母去心一兩 累炒知母去毛各一兩 巴豆霜十四粒

為末和勻老生姜切如錢厚兩面醃藥末臥嚼嚼時開口

勿咽

千治咳嗽胸膈滿多喘上氣

生姜升半 砂糖五兩

右二味煎姜汁減半納糖更煎服

咳嗽上氣厥在胸中過在手陽明太陰全文見治

肺咳喘息而有音甚則吐血麻黃湯 太陽咳而遺矢

赤右脂禹餘糧湯桃仁湯不正用猪苓分水散 心咳心

痛喉中介介鯁狀甚則咽喉痺用桔梗湯 小腸咳咳而

失氣氣與咳俱失芍藥甘草湯 肝

咳兩脇下痛甚不可以轉轉則兩脇下滿小柴胡湯 仲景

引解痛為懸飲宜十棗湯丹溪云咳引脇痛宜疎 膽咳

咳嘔膽汁黃芩加半夏生姜湯 脾咳右脇下痛陰陰痛

引肩背甚則不可以動動則咳劇升麻湯 胃咳嘔嘔甚

則長虫出烏梅丸 腎咳腰背相引而痛甚則咳涎麻黃

附子細辛湯 膀胱咳遺溺茯苓甘草湯 三焦咳腹滿

肺先受 和傳與 五藏六 府

大參 杏仁 炒 大參 杏仁 炒

不欲飲食此皆聚於胃關於肺使人多涕唾而面浮腫氣逆錢氏異攻散

咳嗽煩寃者是腎氣之逆也示從容篇一陽發病少氣善咳善泄夏脉不及則令人上見咳唾下為氣泄全文見治虛實法

凡咳嗽面赤胸腹脇常熱惟於足作有涼時其脉洪者熱痰在胸膈也宜小陷胸湯礞石丸之類清膈降痰甚而不

自者宜吐下其痰熱也面白悲噫或脇急脹痛或脉沉弦細遲而咳者寒飲在胸腹也宜辛熱去之

世小陷胸湯治咳嗽膈有熱痰胸脇腹常熱者神效方見傷寒

丹黃連化痰丸

黃連一錢半 吳茱萸一錢半 陳皮五錢 半夏一兩

右為末麵糊丸如藜蘆大每服百丸生薑湯下

痰大者熱赤脈洪

右黃連半夏治痰嗽例

青礞石丸去痰或痞痛經絡中有痰皆能治之

青礞石硝煨五錢 半夏二兩 風化硝二錢 陳皮七錢

白朮兩 茯苓七錢 黃芩兩

右炒神麴姜糊丸

又方礞石丸治痰

礞石半兩 半夏七錢 南星 茯苓各五錢

右為末神麴糊丸

風化硝二錢 滑石兩 貝母 南星各一兩

痰嗽化痰方

黃芩酒洗一兩半 滑石兩 貝母 南星各一兩

風化硝二錢 白芥子五錢

右為末湯浸蒸餅丸丹溪云脇下痰非白芥子不能除

右風化硝佐礞石茯苓半夏治痰嗽例丹溪云礞石丸重在風化硝

潔方見前小黃丸治咳嗽面赤煩燥脉洪濕痰條

羅人參半夏丸化痰墜涎止嗽定喘或風痰茶痰食痰一切痰逆嘔吐厥頭痛或風氣偏正頭風疼或壅頭自昏眩耳聾鼻塞咽乾胸膈不利

人參 茯苓 天南星各半 半夏

乾姜 白礬 寒水石各一 蛤粉二

薄荷五錢 藿香二錢

右為細末水糊丸如桐子大每服三十丸生姜湯下食後日三服

金珠化痰丸治痰熱安神定志除頭痛眩暈心怔忡恍惚胸膈煩悶涕唾稠粘痰實咳嗽咽膈不利

生龍腦研細 皂莢仁炒黃 天竺黃一兩 金箔甘片

白礬二 半夏姜汁制

右皂莢仁半為末與諸藥同拌勻生姜自然汁為丸如桐子大每服三十丸生姜湯下食後臨臥

人參清金丸治熱止嗽消痰定喘

柴胡 人參各一 黃芩 甘草炙

半夏各七 麥門冬 青黛 陳皮各二

五味子二十粒 右為細末水麩糊為丸如桐子大每服三十丸溫白湯下食後

百日咳
痰微者
寒痰

脾肺受寒痰嗽用藥法 難經云肺太過則外症面白善嚏悲愁不樂欲哭其內症喘咳上喝逆氣煩心胸滿煩熱夜則涕出多嚏鼻塞不通肺金大實以子助母也心脾

肺皆受寒邪涎出口甘水反侮土寡於畏也腹中大寒病
名曰寒中痰白作泡肺中氣虛而為木寒子助母也當於
肺中瀉腎水非辛熱之藥不退也口甘涎沫者胃中寒而
不和以辛甘熱去之飲酒者多有此反化
半夏溫肺湯治心腹中皖痰水冷氣心下汪洋嘈雜常多
唾口中清水自出脇肋急脹痛不欲食此胃氣虛冷所致
其脈沉弦細遲

旋覆花

人參

細辛

桂心

甘草

陳皮

桔梗

芍藥

半夏兩

赤茯苓三

右咳咀每服四錢姜三片煎食後服

丁香半夏丸治心下停飲冷痰頭目眩暈睡臥口中多涎

檳榔三錢

丁香

半夏兩

細辛

乾姜

人參各五錢

右為細末生薑汁糊為丸如桐子大每服二十九丸姜湯

下日三服食後

羅溫胃化痰丸治膈間有寒脾胃停飲胸膈不快痰涎不

化

半夏兩

陳皮白

乾姜炮

白朮焙各二兩

右為細末生薑麩糊為丸如桐子大每服二十九丸生薑

湯下不拘時

潔姜桂丸治咳嗽面顴黑足寒脈沉方見前濕痰條

局胡椒理中丸治脾胃虛寒咳嗽氣急逆氣虛痞不能食

嘔吐痰水

款冬花去枝葉

陳皮

乾姜炮

良姜炒

甘草炙

細辛去苗

胡椒各四兩

白木附五

右末煉蜜丸如桐子大每服三十丸溫湯下

仲吳萊蕪湯方見傷寒

夏月嗽發寒熱者謂之熱嗽用小柴胡湯三兩加石膏

七錢知母三錢治之柴胡湯方見傷寒

冬月嗽而發寒熱者謂之寒嗽用小青龍湯加杏仁治之方見傷寒

火嗽宜清金化痰丸清化丸與清金丸同用專治熱

嗽及咽痛蓋苦能燥濕熱輕能治上取燈籠草葉為細末

蒸餅為丸每服三五十丸燈籠草即苦草其結房如燈籠狀故以名之清金

丸一名與點丸去肺火降膈上熱痰與清化丸同用黃茶

一味炒為末水丸服痰因火動逆上作嗽者先治火次

治痰用知母止嗽清肺金滋陰降火火鬱嗽用調子湯

石瓜萎仁青黛半夏香附以開之喘嗽不拘老幼久近

火熱嗽

上雍等疾槐花為末滴水丸如桐子大熱水或姜湯下不

拘時

羅柴胡飲治虛勞羸瘦面黃無方減食盜汗咳嗽不止

柴胡兩

知母兩

五味子五錢

地骨皮半兩

驚甲一兩

蘇炙一兩

右為細末每服二錢入烏梅二枚青蒿五葉水煎去渣

服

本又方治勞嗽虛症及鼻流清涕耳作蟬鳴眼見黑化下

五味子兩

驚甲兩

地骨皮兩

右為末煉蜜丸如桐子大空心食前溫酒或薑湯任意服三五丸婦人醋湯下此方乃曲江人家秘方余服之大有功效處方有理甚妙

海易簡杏子湯治咳嗽不問外感風寒內傷生冷及虛勞咯血痰飲停積皆治療

人參 半夏 茯苓 細辛減半
乾姜減半 甘草 桂枝減半 芍藥
五味子各等分

右以咀每服四錢水一盞半杏仁去皮尖剉二皮姜三片煎至六分去渣溫服若感冒得之加麻黃等分若脾胃素實者用粟殼去筋膜剉碎以醋淹炒等分加之每貼加烏梅一枚煎服其效尤驗嘔逆惡心者不可用此若久年咳嗽氣虛喘急去杏仁人參倍加麻黃芍藥乾姜五味子各增一半一名小青龍湯
風寒 潔古水煮金花丸治咳嗽多怒天麻丸 羅氏化痰玉壺丸見上三方並

丹搜風化痰丸

人參 僵蚕 槐角 白礬
天麻 陳皮去 荆芥各一兩 半夏四兩
辰砂半兩 右為末姜汁研蒸餅為丸除辰砂為衣每四十九丸姜湯下

羅延壽丹治風壅痰嗽或寒痰咽膈不利

天麻兩半 枸杞一兩 明礬一兩半 乾姜一兩
右為細末酒和成劑再用蒸餅裹定於籠內蒸熟去麩搓為丸如桐子大每服三十九丸溫水下食後臨臥
局防風丸治風痰上攻頭痛惡心項急目眩旋暈痰涎壅滯昏憤

天麻酒浸一宿 甘草多 川芎洗 防風各一兩

朱砂五錢
右為末每兩作十九朱砂為衣每服一丸荊芥湯化服
茶亦得不拘時

川芎丸消風壅化痰涎利咽膈清甘頭痛旋暈

川芎

薄荷去土各七錢半

防風去芦一兩半

甘草三兩半

右為末煉蜜為丸每兩半作五十九每服一丸細嚼臘

茶清下食後臨臥

河間防風通聖散加半夏治風痰咳嗽方見千縉湯方

潔古治痰嗽不能飲食者厚朴湯治之方見大便秘

虛實

山喘嗽白殭蚕為末姜汁清茶調服臨臥下方見

治痰嗽能飲食者大承氣湯微下之方見

陰虛咳嗽四物湯加竹瀝姜汁主之方見陰分嗽者多屬

陰虛治之用知母止嗽勿用生薑以其辛散故也肺虛

嗽甚此好色腎虛者有之人參膏以陳皮生薑佐之

羅團參散治脉氣不利治咳喘止嗽

紫團參

款冬花

紫菀各等分

右為細末每服二錢水一盞烏梅一枚同煎七分去渣

溫服食後

陽虛者

人參款冬花膏治脾胃虛寒久嗽不已咽膈滿悶咳嗽痰涎

嘔逆惡心腹脇脹滿腰痛背傷痛或虛勞冷嗽及遠年近日

一切咳嗽諸藥不效者

款冬花去枝

人參去芦

五味子去枝

紫菀去芦

桑白皮去粗枝

各一兩

右為細末煉蜜和丸如鷄頭大每服一丸食後細嚼淡

姜湯送下或一丸分作四服含化亦得

食治咳嗽不瘥者黃明膠炙令半焦為末每服一錢七人參末二錢七用豆豉湯一盞八分葱少許入銚子煎一兩沸後傾入蜜遇咳嗽時呷三五口

本治十六般哮喘

黃明膠炙一兩 馬兜零

甘草炙

半夏姜汁浸三日

人參餅

杏仁去皮尖巴上各一兩

右為細末每服一太錢水一盞煎至七分臨臥食後服隨病有湯使為引

心嗽面赤或汗流加乾葛煎早飯後服肝嗽眼泪出加烏梅一枚木米十四粒煎脾嗽不思飲食或一兩時惡心入生姜二片煎胃嗽吐逆酸水入蛤粉煎膽嗽令人不睡加茯神五分茶清調下肺嗽上喘氣急入桑白皮煎膈咳嗽出痰如真塊生姜汁調藥噉

下勞嗽入秦艽末同煎冷嗽天曉嗽甚葱白三寸同煎血嗽連頓不住當歸末棗子同煎暴嗽涕唾稠粘入烏梅生薑同煎產嗽背脚疼痛甘草三寸黃蠟少許同煎氣嗽肚痛脹滿入青皮去白同煎熱嗽夜甚蜜一七葱白同煎哮喘喉如拽鋸入半夏三枚同煎腎嗽入黃芪白飴糖同煎

丹有一子三十餘久瘡虛甚盜汗得嗽嗽來便熱夜甚

甘草炙 白木半錢 防風錢一 黃連五分
人參分 乾姜分 黃芪分 白朮煎服
里成人多嗽息情脉不數两手脉大而長此勞症無熱

白朮半錢 陳皮 蒼朮 茯苓各五
 神麴七分 川芎分三 黃芩三分 五味子粒七
 芍藥分五 黃芪 甘草各三分
 用生姜二片同煎
 陳孺人九十餘歲嗽或發或止發時有清痰寒熱作食少
 面虛浮淡黃色

陳皮 青皮 白朮 芍藥各五
 麻黃二錢 木通 乾姜 黃芩各二
 甘草炒 防風各一 熟地各三 人參 紫苑
 分七貼五味子七粒煎三之一
 雲補肺湯治勞嗽
 桑白皮 熟地各三 人參 紫苑
 黃芪

右為末每服二錢水煎入蜜少許食後

垣欵花補肺湯治年高氣弱肌體瘦困短氣遇秋冬咳嗽
 大作夜間尤甚三五百聲不絕春夏稍緩

黃芪兩半 甘草錢 當歸分七 佛耳草錢一
 欵冬花分二 陳皮分七 丹皮分三 黃柏酒浸三分
 蒼朮錢二 麴末分七

右咳咀每三錢水煎去渣稍熱食後服
 清肺湯除濕熱治金火嗽

黃芪錢四 蒼朮 防風 歸身
 茯苓各一 五味子粒三十 陳皮二分 青皮分五
 澤瀉錢二 黃柏分六

右劉如麻豆每服五錢水煎去渣稍熱臨臥服
 瀉火補肺湯治金火嗽五六月間嗽

五味子錢五 黃芪錢二 人參錢一 甘草錢一
 陳皮去白 麥門冬 青皮錢五 升麻錢一
 蒼朮錢一 歸身錢一

右劉如麻豆大每服五錢水煎去香稍熱服
 右參芪朮治嗽例後三方黃芪為君氣虛甚者宜之膈
 滿食少者忌服

丹蛤蚧丸治肺臟內傷咳嗽氣急久不除漸羸瘦

蛤蚧去頭足 訶子煨取 細辛 甘草炙
 阿膠炒 熟地 麥門冬去心各
 為末蜜丸每兩作十五丸每丸食後含化
 右蛤蚧丸久嗽不愈者宜之
 羅大利膈丸治風痰實喘咳嗽風氣上攻
 牽牛四兩 半夏湯洗 木香錢五 青皮去白

痰在腸胃脈沉下實者宜

槐角 檳榔 大黃各三錢 皂角夫皮炙

右為細末生薑麩為丸每服五十九生薑湯下

丹墜痰丸治痰飲

枳實 枳殼半兩 明礬三錢 朴硝三錢
 猪牙皂角酒炒 黑牽牛半斤取
 右為末蘿蔔子汁為丸每服四十九雞鳴時服初有糞
 次有痰
 右下痰用大黃牽牛有熱者宜之

世治久嗽痰積半夏二兩用江子五錢敲損同煮至半夏
 無白心去江子不用杏仁一兩用烏梅半兩同煮去烏梅
 不用止將半夏杏仁焙乾為末煉蜜丸如棗豆大量虛實
 服服後下痰積

羅透羅丹治痰實咳嗽胸膈不利

阜角酥炙去黑牽牛微炒半夏湯洗各巴豆去油另

大黃浸焙用杏仁尖炒去皮

右為細末生薑自然汁丸如桐子大食後生薑湯送下

二十九咳嗽甚者三四服必效

丹治痰嗽喘

南星錢二半夏 滑石錢三江子五粒

輕粉少

右用阜角仁浸濃汁丸梧子大每服七十九

本治諸般痰嗽

半夏姜汁浸天南星兩白礬各半焰硝二

杏仁去皮尖青黛各半猪牙阜角去黑皮并

巴豆甘一粒去

右丁處為末姜糊丸如菉荳大每服七丸臨臥姜湯下

冊青金丸治食積火鬱嗽

貝母 知母略半 巴豆霜分

右為柴姜汁丸青黛為衣

右下痰用巴豆有寒者宜之前方但借巴豆

濕欬氣丸治久嗽痰喘肺氣浮腫

青皮 陳皮 枳榔 木香

杏仁 茯苓 郁李仁祛 川歸

廣茂 馬兜零炮 葶藶錢三 人參

防已絡四 牽牛兩末二

右為細末姜汁麩糊丸如桐子大每服二十九加至七

十九食後姜湯送下

羅紫參散治肺氣虛咳嗽喘急胸膈疼痛脚膝微腫

人參二錢 蛤蚧一對 白牽牛炒 甜葶藶炒

木香 苦葶藶炒 栝榔絡五

右為藥用熟棗肉在每服四十九煎入參湯下食後

右下痰用栝榔木香佐牽牛葶藶郁李仁久嗽面浮足

腫者宜之

孫兆視雷道矩病吐痰頃間已及二升喘咳不已面色黧
黯精神不快兆與服仲景葶藶大棗湯一服訖已覺胸中
快利畧無痰唾矣

本治氣喘咳嗽

大黃 葶藶一兩淨

右為末煉蜜丸如桐子大每服五七十九桑白皮湯下
右下痰用葶藶為效極速虛人忌用

仲咳家其脉弦為有水十東湯主之 有支飲家欬煩胸

中痛不卒死至二百日或一歲宜十東湯

丹伯温年近四十滋味厚素患咳嗽有痰與通神丸神米

丸和勻食前生姜湯下五六十九後以津嚥小胃丹十五

丸日服六服

右十棗湯下痰仲景法也虛人審之丹溪變十棗為小

胃丹而少服徐徐法也

脈欬而時發熱脉卒弦者非虛也此為胸中寒矣所致也

當吐之咳家其脉弦欲行吐藥當相入強弱而無熱乃可

吐之其脈沉者不可發汗

子和稀涎散 三聖散 仲景承帶散見治法門

右吐熱痰法輕者但用芎藭仁蘿蔔子姜汁入酸棗

汁探吐之

痰在胸膈脈浮吐者宜

局碧霞丹方見治

本治遠年近日哮喘妙方

砒

麴

海螵蛸銘一

右三味為末水調作餅子慢火炙黃再研令細每服一字用井花水調下太呷空心服良久吐出為度小兒加減與之忌食毒物

右吐寒痰法丸用熟蘆瓜蒂吐不透者用附尖神效

吐下兼施

子和常仲明病寒熱往來時咳工工聲面黃無勞懶思飲食夜多寢汗日漸瘦削諸醫作虛損治之用二十四味燒肝散廉茸牛膝補養二年口中痰出下部轉虛戴人斷之曰上實也先以涌劑吐痰二三升次以柴胡飲子降火益承不月餘復舊此症何名乃經中云二陽病也二陽之病發心脾不得隱曲心受之則血不流故女子不月脾受之

劫痰

本治勞嗽

則味不化故男子少精此二症名異而實同仲明之病味不化也馳名鎮一男子年二十餘歲病勞嗽數年其聲欲出不出戴人間曾服藥否其人曰家貧未嘗服藥戴人曰年壯不妄服藥可治先以苦劑涌之次服舟車瀉丸九大下之又服重劑果瘥一由夫病勞嗽下涌下泄已瘥大半次服人參補肺湯臨臥更服棋榔丸以進食

右吐下兼施以攻其痰也

青黛三錢

辰砂

雄黃

白礬

信各一錢生用

右並為末淡豆豉一百粒湯浸去殼研如膏入前五味丸如桐子大每服一丸臨臥冷茶清下治遠年近日喘嗽

蠟蛇一兩去頭足 五靈脂生 砒生 雄黃生
 杏仁去皮尖 輕粉一兩 淡豆豉四十粒 馬兜零一兩
 右研除出輕粉另研餘為末用生薑薄荷自然汁合輕粉諸藥為丸如小彈大每服一丸臨臥細嚼生薑湯送下
 右用信劫痰例蓋為寒濕痰設也

運氣

運氣運氣咳有二
 一曰火經云少陽司天之政初之氣候乃太溫其病氣拂於上欬逆二之氣候火反鬱白埃四起其病熱鬱於上欬逆三之氣候炎暑至民病咳終之氣候風乃至其病陽氣不戢而咳是也

二曰燥熱經云少陰司天之政水火寒熱持於氣艾民病咳喘三之氣候太火行寒氣時至民病咳喘此上熱下燥為

咳喘也終之氣候燥令行餘火內格咳喘此外燥包熱在內咳喘也

雜方

治諸嗽久不瘥貝母湯

貝母一兩去心 黃芩半兩 乾姜一兩 五味子
 陳皮各一兩 桑白皮半兩 半夏 柴胡
 桂心各一兩 木香 甘草各一分

右為粗末每服五錢水一盞半加杏仁七箇去皮尖生薑七片煎去香熱服有姓蔣者其妻積年嗽制此方授之服瘥以治諸般嗽悉愈
 右方有寒有熱有散諸嗽通用也

藏腑

黃帝問曰肺之令入欬何也岐伯對曰五臟六腑皆令人欬非獨肺也帝曰願聞其狀岐伯曰皮毛者肺之合也皮毛先受邪氣邪氣以從其合也此邪從外受之其寒

飲食入胃從肺脉上至於肺則肺寒寒邪從肺寒則外內
合邪因而客之則為肺欬所謂肺先受邪也五臟各以其時受病
王註云時非其時各傳以與之人與天地相參故五臟各
以治時麻治春心治夏脾治長感於寒則受病微則為欬
甚則為泄為痛乘秋則肺先受邪乘春則肝先受之乘夏
則心先受之乘至陰則脾先受之乘冬則腎先受之帝曰
何以異之岐伯曰肺欬之狀欬而喘息有音甚則吐血取
淵穴心欬之狀欬則心痛喉中介介如梗狀甚則咽腫喉
痺取太陵肝欬之狀欬則兩脇下痛甚則不可以轉轉則
兩胛下滿取太衝脾欬之狀欬則右脇下痛陰引肩背
甚則不可以動動則欬劇取太白腎欬之狀欬則腰背相
引而痛甚則欬涎取太溪帝曰六腑之欬奈何安所受
病岐伯曰五臟之久欬乃移於六腑脾欬不已則胃受之

胃欬之狀欬而嘔嘔甚則長虫出取三里肝欬不已則膽
受之膽欬之狀欬嘔膽汁取陽陵泉肺欬不已則太腸受之
太腸欬狀咳而遺失取巨虛心欬不已則小腸受之小腸
欬狀欬而失氣氣與欬俱失取巨虛腎欬不已則膀胱
受之膀胱欬狀欬而遺溺取委中久欬不已則三焦受之
三焦欬狀欬而腹滿不欲飲食此皆聚於胃關於肺使入
多涕唾而面浮腫氣逆也取支溝帝曰治之奈何岐伯曰
治臟者治其俞治腑者治其合浮腫者治其經經氣
針灸
丹治嗽灸天突肺俞二穴泄火熱瀉肺氣
千嗽灸兩乳下黑白際各百壯即瘥又以蒲當乳頭周圍
圍身令前後正平當脊骨下解中灸十壯又以繩橫量口
中折繩從脊灸繩兩頭邊各八十壯三報三日畢兩邊者
是合度

玉治咳嗽

身柱三分瀉 至陽三分補 三呼不肺俞寸一分瀉 皮

瀉六吸寒痰紅痰 又法 風門外一分沿皮向

咳嗽喘滿氣急不食容顏蠶蠶鼻流清涕 風門向外

二寸半 巨關三分瀉 太淵五分 期門平 下腕

瀉之 中腕三寸 絕骨三寸半退 支

婦人咳嗽寒熱往來風寒嘔逆勞疸中滿喘急

風門沿皮一寸半 太淵五分治 中腕三寸治嘔逆

絕骨 曲池 嗽血脈勞瘵 間使 透氣往來為

甲效逆上氣舌乾脇痛心煩肩寒少氣不足以息腹脹喘

尺澤主之 咳乾嘔煩滿俠白主之 效上氣喘不息得

暴痺內逆肝肺相搏鼻口出血身脹逆息不得臥天府主

之 效逆上氣喘不得息嘔吐胸滿不得飲食輪府主之

效逆上氣涎出多吐呼吸喘悸不得安膈中主之 胸

滿咳喘不得息嘔吐煩滿不得飲食神藏主之 效逆上

氣魄戶及氣舍主之 效逆上氣譫譫主之 胸脇滿

不得俛仰飲食不下咳唾沫膿周榮主之 效而泄不欲

食者商丘主之 凄凄寒咳吐血逆氣入心痛手陰郄主

之 效而胸滿前谷主之 效逆上氣吐沫天容及行間

主之 效逆不止三焦有水氣不能食維道主之 效面

赤熱支溝主之 效逆上氣咽喉癰腫呼吸短氣喘息不

通水突主之 效上氣喘暴瘖不能言及舌下挾縫

青脈頸有太氣喉痺咽中乾急不得息喉中鳴翕翕寒熱

項痛肩痛胸痛腹皮熱衄氣短鯁心痛隱疹頭痛面皮赤

熱身肉盡不仁天突主之 效逆上氣喘不能言華蓋主

成無已云欬者聲欬之欬俗謂之嗽者是也肺主氣形寒飲冷則傷之使氣上而不下逆而不收衝擊膈咽令喉中淫淫如痒習習如梗是冷嗽甚者續續不已連連不息坐臥不安言語不竟動引百脈咳聲聞四近矣聲枯則功脈肺痿欬唾咽燥欲飲水者自愈自張口者短氣也咳聲也丹咳嗽肺脹壅遏不得眠者難治上命也仲人嗽十年其脈弱者可治實大數者死其脈虛者必苦冒其人本有支飲在胸中故也治屬飲家上氣面浮腫肩息其脈浮大不治又加利尤甚脈浮短者其人肺傷諸氣微少不過一年死法當嗽也欬嗽羸瘦脈形堅大者死欬而脫形身熱脈小堅急以疾是逆也不過十五日死全

小劑

見

脈上氣脈數者死謂其形損故也欬嗽脈沉緊者死浮直者生浮軟者生小沉伏匿者死丹欬嗽口燥咽乾有痰不用半夏用瓜蒌貝母飲水者不用瓜蒌忍淫膈不快

乾咳嗽

乾咳嗽者無痰有聲是也此症本於氣瀆瀆微者連咳十數聲方有痰出瀆甚者雖咳十數聲亦無痰出是為乾咳嗽也

開鬱補陰

丹乾咳嗽極難治此係火鬱之症乃痰鬱其火邪在中用苦桔梗以開之下用補陰降火之劑不巳即成勞傷倉法好此不得志者有之宜用補陰方四物湯加竹瀝炒栢之類

氣帶

海其桔湯此仲景少陰咽痛藥也孫真人治肺癰吐膿血

開胃

用生甘草加減二十餘條其桔湯方用桔槎三兩

效逆氣者加陳皮 效嗽者加貝母知母 效發渴者

加五味 吐膿血者加紫苑 肺痰者加阿膠 面目

腫者加茯苓 嘔者加生薑半夏 少氣者加入參麥

冬 膚痛者加黃芪 目赤者加梔子黃連 咽痛者

實熱不降

加鼠粘子竹茹 聲不出者加生真桂枝 疫毒頭腫

者加鼠粘子大黃芒硝 胸痛膈不利者加枳殼 心

胸痞者加枳實 不得眠者加梔子 發狂者加防風

荆芥 酒毒者加葛根陳皮

一中年婦人乾欬寸脉滑動似葶狀餘皆散大不浮左大

於右每五更心躁熱有汗但怒氣則甚與桔槎不開諸藥

不效遂以石膏香附為君冬連青黛閉冬瓜葉實陳皮炒

雜方

栢歸梗為臣五味砂仁川芎紫苑佐之凡二十餘貼而安

潔古蜜煎生薑湯蜜煎陳皮湯與燒生薑胡桃方皆治無

痰而嗽者以辛甘潤其肺也如但使青皮藥皆宜去白本

草云陳皮味辛理上氣去痰氣滯塞青皮味苦治下氣二

味俱用散三焦氣也故聖惠法治云陳皮去穰穰不除即

本補肺法

地黃二斤生杏仁二兩

右搗如泥入瓦盆中置飯上蒸五七度每五更挑一匙

嚥下

千治久嗽方

白蜜一斤生薑二斤

右二味先秤銅鈔知斤兩訖納蜜復秤如數次納姜汁

以微火煮令姜汁盡惟有蜜斤兩在則止且服如棗大
含一丸日三服忌一切雜食

咳嗽喉中作聲

喉如軒
聲為虛

一男子五十餘歲病傷寒咳嗽喉中聲如鉤與獨參湯一
服而軒聲徐至二三貼咳嗽亦漸退凡服二三斤病始全
愈

梅治久患喉中作聲不得眠取白前搗為末濕

酒調一錢七衍義云白前
保定肺氣

仲欬而上氣喉中水鷄聲射干麻黃湯主之

喉如水
鷄聲為
實

射干兩

麻黃

生姜各四

紅辛

紫苑

欬久花兩各三

大棗七

五味子

半夏各半

右九味以水一斗二升先煮麻黃兩沸去上沫納諸藥

煮取三升分溫三服

千白前湯欬逆上氣身體浮腫短氣腫滿且夕倚壁不得
臥喉中水鷄鳴

白前

紫苑

半夏

大戟各三

右咬咀以水一斗浸一宿明且煮取三升分三服

肺逆

陰爭於內陽擾於外魄汗未藏四逆而起則重肺使
人喘鳴別論起居如故而息有音者此肺之絡脈逆也

脈絡不得隨經上下故置經而不行絡脈之病人也微故
起居如故而息有音也逆調論

督脈生病其上氣有音治其喉中央在缺盆中者天突也其

針灸

病上衝喉者治其漸漸者上俠頤也王註謂天迎穴

甲咳喉中鳴唾血木鍾主之胸脇支滿不得俛仰瘖瘖

欬逆上氣咽喉鳴有聲太溪主之咳逆上氣咽喉鳴

喝喘息揀突主之

暴嗽

千治暴熱嗽方

杏仁

紫蘇子一升

陳皮兩

柴胡兩

右咬咀以水一斗煮三升分三服

山暴嗽白蜆殼洗淨研細粥飲下

本治暴嗽

砒霜錢

白礬一兩飛過細研

右先將砒霜安放茶盞內却將白礬末鋪蓋火煨為末烏梅肉丸如菴荳大朱砂為衣每服二丸紫蘇湯下

千治暴嗽百部藤根搗自然汁和蜜等分沸煎成膏嚙之

久嗽

丹肺受風寒久嗽非此不能除南星欵花鷺管石佛耳草雄黃為末拌艾以姜一厚片留舌上次用艾上燒之須

熱

痰

雜方

風寒
宜薰

煙入喉中一方無佛耳草有爵金 又方鷺管石雄黃各

一分半另為末欵花佛耳草各一分半另為末却用紙一

幅方方闊四五寸以鷄子清塗其中央四旁各懸一寸許

不塗然後以鷺管石雄黃摻於鷄子清上又以欵花佛耳

草末摻其上覆之又以下箭筋從不塗紙旁捲起為一紙

筒用糊粘牢其旁抽箭筋出焙乾用時將一紙筒含在口

一頭火燒以口吸煙令滿嚙之嚙至燒筒盡為度却喫茶

二三口壓之

崔療久嗽薰法每旦取欵花好鷄子少許蜜拌花使潤納

一升鐵鐺中又用一瓦碗鑽一孔孔內安小竹筒或筆管

亦得其筒稍長置碗鐺相合及插筒處皆麪糊塗之勿令

泄氣鐺下着炭火少時欵冬煙自竹管出以口含筒吸取

嚙之如胸中稍悶須舉頭即將指頭捻竹筒頭勿令漏煙

痰

氣出及煙盡止凡如是五日一為之至六日則飽食羊肉
餽飽一頓永瘥丁法不用錫瓶用有嘴瓦瓶燒藥蓋在
瓶口却以口吹於瓶嘴吸煙咽之尤捷

枳殼湯治久咳嗽胸膈不利者多上焦發熱
枳殼兩 桔梗兩 黃芩半兩

右為細末每早取二兩半水三盞煎至一盞日作三服
午時一服中時一服臥時一服二百七兩半服盡又服
半夏湯

生半夏湯用半夏製切片每三錢半水盞半姜五片煎
至一盞食後服一日二三服二三服了再服枳殼丸盡
其痰為度論曰先消胸中痰氣後去膈上痰再與枳木丸
謂首尾合治盡消其氣令痰不復作也

丹久嗽丸子

海蛤粉細研 膽星臣 杏仁臣 訶子佐

青黛佐 皂角英使

右為末姜汁丸如桐子大姜湯下

久嗽乃積痰久留肺皖粘滯如膠氣不能升降或挾濕與
酒而作

香附童便 姜蚕炒 海蛤粉 瓜萎仁

蜂房 杏仁 姜汁 竹瀝

神麩各等

右為末蜜調噲化

謝老人形實夏月無汗成久嗽痰

半夏制 紫蘇葉各一

右二味入莎末蜆殼末神麩末以瓜萎穰桃仁半兩和
丸先服三拗湯三貼方服此丸子

男子五十歲舊年因暑月入冷水作勞患瘧後得痰嗽次

年夏未得弦脉而左手虚叩之必汗少而有痰身時時發熱痰如稠黃膠與下項方藥仍灸太推風門肺俞五處

半夏兩

白朮錢七

茯苓錢六

黃芩

陳皮

桔梗

枳殼

石膏煨各半兩

僵蚕錢半

五味子半錢

右用神麴糊丸姜湯下二十九丸先與三拗湯加黃芩白

朮二貼夜與小胃丹十九丸以攪其痰

潔古欬氣丸治久嗽浮腫羅氏紫參散用蛤蚧衍義云

蛤蚧治久嗽有功

實其下

馬兜鈴丸治多年喘嗽不止大有神功

馬兜鈴去

半夏湯洗七粒杏仁炒各一兩

巴菝二十一粒去皮油研

已上除巴菝杏仁另研外餘為細末用皂角膏子為丸

如桐子大雄黃為衣每十九臨臥煎烏梅湯下以利為度

千治三十年咳嗽或飲或咳寒氣嗽雖不同悉治之

細辛

款冬花

防風

紫苑各二

藜蘆兩

川椒合五

右六味咬咀取藜蘆先着銅器中次紫苑次細辛次款冬花次椒以太棗百枚間在諸藥中以水一斗二升微

火煮令汁盡出棗曝令燥雞鳴時服半棗不吐明且服

一枚以胸中溫溫為度若強人欲嗽吐者可少增服之

便吐膿暴結痰吐後勿冷飲食咳愈止藥藥勢靜乃食

不爾令人吐不已

治久嗽不瘥方

兔屎九粒

礪砂分

胡桐淚分

雜方

右三味為末蜜和丸如桐子大每服三丸以粥飲下日
三吐冷物盡即瘥

丹蛤蚧丸治久嗽虛方見陽又方衍義治久嗽膿血胸膈

噎痛蛤蚧阿膠生犀角鹿角膠羚羊角各二兩除膠外皆

為屑次入膠河水三升煮半升臨臥細呷愈詳見效血療三

十年嗽以百部根二十斤搗絞取汁煎之如飴服方寸七

日三服驗

百一治久咳嗽上氣十年諸藥治不瘥方以蝙蝠除翅足

燒令焦為末飲服之

云馬兜鈴散治妊娠胎氣壅塞欬嗽喘息

馬兜鈴 桔梗 人參 甘草

貝母錢五 陳皮錢 大腹皮 桑白皮

肺

紫蘇各一兩 五味子錢五

右吹咀每服四錢姜三片水煎

麻黃散治妊娠外傷風冷痰逆咳嗽不食

麻黃節去 陳皮白去 前胡各一兩 半夏洗炒

人參 白朮 枳殼 貝母

甘草各半兩

右吹咀每服四錢葱白五寸姜三片棗一枚水同煎

紫苑湯治妊娠咳嗽不止胎不安

紫苑 天門冬各一兩 桔梗半兩 甘草

杏仁 桑白皮各二錢半

右吹咀每服三錢竹茹一塊水煎去渣入蜜半匙再煎

二沸溫服

天門冬去心一兩 貝母 人參 甘草

